

**Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut Inatsisaannik allanngui neq pillugu Inatsisartut inatsisaat nr. 3, 4. juni 2012-imeersoq (naatsorsuutit pillugit aalajangersakkanik erseqqissaat il.il.)**

**§ 1**

Inuussutissarsiutinik ilinniartitsinerit aamma inuussutissarsiutinik ilinniartitsinerup iluani pikkorissaanerit pillugit Inatsisartut Inatsisaanni nr. 10, 19. maj 2010-imeersumi uku allanngortinneqarput:

1. § 27-mi imm. 5-tut ikkunneqassaq:

”Imm. 5. Naalackersuisut soraarummeernerit aamma misilitsinnerit pillugit malittarisassaliorinnaapput, taakkununga ilaatigut ilanngullugit suliaasiissutinik suliaqarneq, naliliinerit, soraarummeersitsinerit, soraarummeertut kikkunerinik aalajangiinerit, tamanut ammassuutitsinissaq, karakterit taakkulu soraarummeernerni angusani oqimaaqatigiissinnerat, soraarummeernermit nalunaarneq, soraarummeernermit peqataassagaanni piumasaqaatit, soraarummeernissamut peqataasinnaannginneq, soraarummeernissamut pilersaarusionerit, ikiutissanik atortoqarneq, napparsimalluni soraarummeerneq, soraarummeeqqinnerit, soraarummeernermit peersitaanerit, maalaaruteqarneq imaluunniit maalaaruteqarnissamut piffissaliussat pillugit aalajangersakkat.”

2. § 42, ima oqaasertaqassaq:

” § 42. Qitiusumik ilinniarfiit ukioq naatsorsuiffik naatsorsuusiorfigaat. Qitiusumik ilinniarfiit Namminersorlutik Oqartussat missingersuutit, naatsorsuussiornert aamma naatsorsuutinik saqqummiinerit pillugit aalajangersagaat qaqukkulluunniit atuuttut malittarissavaat.

Imm. 2. Ingerlatsinermit naatsorsuutini aningaasanut inatsimmit aningaasaliissutinik atuinerit immikkut naatsorsorneqartassapput.

Imm. 3 . Ingerlatsinermit naatsorsuutit imarissavaat qitiusumik ilinniarfiup ilinniartitsinermit aamma ingerlatsinermit allanut immikkut naatsorsuutai, tamatumunnga ilanngullugit ingerlatsinerit allat suussusii malillugit immikkut naatsorsuutit.

Imm. 4. Ilinniarfiup ilinniartitsinermit ingerlassanullu allanut naatsorsuutaasa avissaartinneqarnissat pillugu Naalackersuisut malittarisassanik aalajangersaasinnaapput.

Imm. 5. Qitiusumik ilinniarfiit aningaasat aningaasanut inatsisimmi annertussusilerneqartut iluanni, ilinniarfiup ingerlanneqarnerani sinneqartoorutaajunnartut amigartoorutaajunnartulluunniit ukiumut aningaasaliiffiusumut tullermut nuussinnaavaat.

Imm. 6 Ingerlatsinermit naatsorsuutit Namminersorlutik Oqartussat kukkunerisiuisuinit kukkunerisiorneqassapput.

Imm. 7. Naalackersuisut piffissaliussat aalajangiussaata nallertinnagu ingerlatsinermit

naatsorsuutit siulersuisunit akuersissutigineqareersimasut kukkunersiunermit oqaaseqaatitaallit, siulersuisut Naalackersuisunut akuerisassanngorlugit saqqummiutissavaat.

Imm. 8. Siulersuisut ingerlatsinermut naatsorsuutit saqqummiunnerisa ilutigisaannik naatsorsuutit tamanut saqqumiutissavaat.”

3. § 44-mi imm. 3-tut inissinneqassaaq:

”Imm. 3: Naalackersuisut suliamik ilisimasalittut ingerlatsiffimmit inassuteqartoqareerneratigut, suliffeqarfiit ilinniakkanut inuutissarsiutinik imaluunniit qitiusumik ilinniarfimmuut attuumannigitsut sungiusarluni suliffissatut akuerisinnaavaat”.

4. § 45-mi ”§ 44”-p kingornatigut inissinneqassaaq: ”imm. 1”.

## § 2

Inatsisartut inatsisaat atuutilissaaq 1. januar 2013.

Namminersorlutik Oqartussat, 4. juni 2012

Kuupik Kleist